



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

**Henricus, de Sancto Ignatio
Leodii, 1709**

Caput III. Salubrioris puriorisque Ethices necessitas ex dictis concluditur.

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

culas contrahunt, quam eluant. Imago primi faculi Societ. l. 3. c. 8.

De Ordine & Matrimonio.

169. Sacerdos (idem de Diacono) morosè delectatus, sufficienter confitebitur, dicendo, *tories habui delectationes morosas venereas, esto non explicet se esse in sacris.* Gobat tr. 9. n. 272. & 273.

170. Si conjux putet probabilius priorem virum adhuc vivere, probabiliter vero mortuum esse, potest petere & reddere debitum secundo viro. Dicastillo disp. 8. dub. 14. n. 174.

171. Immò probabile est tunc posse debitum & petere, & negare; petere, accommodando se opinioni de valore; negare, sequendo opinionem de nullitate. Ibidem n. 175.

Appendix.

172. Error est asserere, Christianis omnibus esse praeceptum, omnes actus suos deliberatos referre in Deum propter se dilectum. Apologia Casuist. pag. 165.

Reflexio ad superiores opiniones.

De Morali Theologia ejusmodi verè Caranuel censuit, quod tota sit nova. Sed & verè ipsi reponitur: Si tota nova: non ergo Evangelica; non Apostolica; non Christiana. Quid de ea dixisset Tertullianus, si suo tempore proposita fuisset? Vereor ne dixisset: *Hæ sunt doctrinae Demoniorum, prurientes auribus, nata de ingenio sapientia secularis, quam Dominus stultitiam vocat.* Merito proinde opinio-
num illatum plurimas Ecclesia damnavit.

C A P U T III.

Salubrioris priorisque Ethics necessitas ex dictis concluditur.

15 **R**electens igitur ad Ethicen superiori capite descriptam, judicet aequus rerum arbiter, sitne Doctrina Christiana, quam Ethica illa exhibet? Sitne arcta illa cali via, quam Christus evangelizavit? Sitne doctrina salutaris, secundum quam regnum Cælorum vim patitur, homo odit animam suam, tollensque crucem suam, sequitur Christum? Uno verbo, sitne Theologia illa, directiva morum hominis Christiani, id est, hominis quidem terrestris, sed conformandi ad imaginem hominis caelestis; utpote qui Christum per baptismum induendo, ejus in carne vita rationem agende professus est (ut dicitur can. 96. Concilii Constantinop.) atque adeò se (mundo mortuum) victurum Deo, Christum in omnibus sequendo, juxta dicenda. Quem proinde necesse est instruere, ut hominem Deo conformandum, ut possessionem peculiumque Domini, emptum pretiosum Sanguine Christi, ut civem Sanctorum, ut discipulum, ovem, palmitem, membrum, sponsamque Christi, atque ut domesticum, filium, templum, hostiam Dei, & ut lucem mundi.

16 Quantum à Cælo terra, tantum à Christiana hujusmodi Ethica plerique Sapientibus distare videtur neoterica illa Ethica; quia nimis rūm videntur ipsis accommodator ad humanas passio-

nēs, cupiditatesque fovendas, quam ad corrīgendas, potiusque evertendam quam ad stabiliendam christianam disciplinam: cùm per eam immoderata licentia in mores nostros inducatur, divinæ & humana lex sic tractari videatur, quasi foret regula Lesbia, ad sui regulati normam, atque ad corruptæ naturæ mores, ad omne denique quod cuique sapit, accommodabilis. "Regula, quippe, Lesbia dicitur, quoties praeposterè, non factum ad rationem, sed ratio ad factum accommodatur, & cùm lex moribus applicatur, non mores ad legem concordantur, ait Erasmus in adagiis. Hoc autem cùm sit ordinem aternā Dei lege præfixum evertere, cunctisque hominis Christiani officiis inflectendis & corrumpendis januari aperire: liceat zelo Dei & Sanctorum exclamare cum Propheta, *Exurge Deus, judica causam tuam.* Liceat formidare, multumque formidare ne verum sit quod Illustrissimus Fagnanus 113. c. *Ne innitaris de Constitut. n. 331.* ait, quod "Doctrina illa non sit à Deo, quodque ad sui reformationem magnopere egeat dextrâ Dei, & Beatissimi Pontificis provisio, ne venenum jam plus nimio dilatatum ulterius serpat. "Liceat invocare Cælum & terram, sive superiores inferioresque Ecclesiæ Prælatos, Pastores & Doctores, ut ascendant ex adverso, seseque opponant murum pro domo Istræl. Liceat, inquam, ipsis dicere cum Nicolao Papa, ep. 70. ad Hincmarum: *Vide et si hac Ecclesia Christi non praeditant. Vide et tolerabilius valeant estimari. Considerate si debent illi (superiorum propositionum assertores) Ecclesia sancta Dei ipsas derogationes ingerere, quibus in præcepis ruit mundus, latissimam viam ingrediendo, quæ dicit ad perditionem. Ut enim deplorat Philo Carpathiorum Episcopus in Cantica fol. 569. ro. 1. Biblioth. SS. PP. Miseri Christiani quotidie per assentationem predicantium infelicissime pereant. Hinc tanta peccatorum labes: hinc illa corruptela morum, qua singule fideles anima in dies magis ac magis turpiter inficiuntur... Hi sunt qui peccata populorum devorant, cùm sceleris reprehendere non audeant, vel ob munera peritura ac commoda, vel ob gratiam & amicitiam profanorum ac divitium, quos sibi venantur, vel ob humanam laudem & gloriam... vel dum (ignari ac tepidi) columnas pro Christo Jesu, opprobria, &c. timent. At veri Christi servi, & bellatores omnibus obstante audent, pro veritate dicenda, & conservanda, nihil extimescant, nihil loquuntur ad gratiam, nihil assentantur, &c. memores Apostoli ad Thessal. 2. dicentes: *Ita loquimur non quasi hominibus placentes, sed Deo qui probat corda nostra.. Neque enim aliquando fuimus in sermone adulacionis, sicut scitis, neque in occasione avaritiae (Deus testis est) nec querentes ab hominibus gloriam, neque à vobis, neque ab aliis.**

Charitas itaque Christi, zelusque, tum di- 17 vinæ gloriae, tum animarum salutis, urget nos ad puriorum salubrioremque Ethicen conquirendam, doctrinamque puriorum, & cor-

De radicibus laxioris Ethices.

13

rigendis moribus aptiore, aduersus laxiora illa opinamenta tuendam. Utinam Deus piissimus (verbis utor Emin. D. Cardin. de Aguirre in prefat. ad to. I. Concil. Hisp. & novi Orbi, n. 17.) qui nobis, indignis licet, ac peccatorum pondere pressis, desiderium hoc affiduum concedere dignatur, aliquem illius fructum donet ad gloriam nominis sui, & totius Ecclesiae utilitatem. Non ignoramus provinciam nos assumere difficultem, invidiosam, multisque (ut experti sumus) obnoxiam contradictionibus, improperiis, calumniis, sive doctorum quorumdam hominum, molestè fermentum sua novioris Ethices redargutionem, sive popularium, sanam doctrinam non sustinentium, qui malunt Magistros pruriens aribus, à veritateque auditum avertunt. Hinc enim, sive isti, sive illi (ob rationes infra deducendas) sanctioris disciplinae Prædicatores & Doctores insectari solent, tanquam Severos, Rigoristas, Jansenistas, Novatores, &c. In eo utique facti imitatores eorum, qui S. Bernardum, suum pro veteri disciplina zelum exercentem, traduxerunt ut maledicuum & no-
vatorem. Vel S. Ignatium de Loyola, rerum sacramentum neglectui, corruptisque moribus, magno animi ardore, etiam dum adhuc Laicus esset, resistentem (teste Maffeo l. 1. vita ipsius c. 17. & 20. & l. 2. c. 12.) apud Inquisitionis Tribunal detulerunt, calumniasque appetiverunt, perinde ac si novitatibus studeret. Vel qui S. Carolum Borromeum simili de causa sigillarunt, ut perturbatorem, nimiumque severum, decretaque ipsius tanquam dura, iniqua & nova.

18. Sed ista pertimescere non debemus, si Christi servi sumus, memores à Christo beatos predicari, qui hominum persecutionem & maledictionem patientur propter veritatem & justitiam; Secundum hoc enim faciebant Prophetis Patres eorum. Luc. 6. Econtra vero, *Va*cum benedixerint vobis omnes homines: secundum hoc enim faciebant Pseudo-prophetis Patres eorum. Ibidem. Memores etiam Christum ipsum, possum in signum cui contradicetur, pro justitia & veritate contumelias affectum, opprobriisque & injuriis, in ipsa etiam cruce saturatum. Tunc enim adimpleretur est illud Psalmi 21. *Quoniam circumdederunt me canes multi*, id est (ut Augustinus explicat ibidem) pro consuetudine, non pro veritate latrantes multi, latrantes utique contra Christum, ab ipsis ideo morti traditum, quia Scripturam adivinæ legis veritatem sustinuit, aduersus humanas traditiones eorum, ut de ipsis conque-
ritur, Matth. 15. Ista utique Judæis causa fuit scandali, ut dicitur ibidem: *Scis quia Pharisæi audito verbo hoc scandalizati sunt?* Sed quid ad hoc Christus? *Sinistis illos, eaci sunt, & duces cecorum.* Non ideo ergo veritas reliquenda, quia de eâ quidam scandalisantur, tanquam præconceptis opinionibus, traditionibus, ac prejudicis suis contraria. Similibus itaque Gregorianum istud responderet S. Bernat-

dus ad Guillel. Abbat. *Melius est ut scandolum oriatur, quam veritas relinquatur.*

Sed & si ministri Christi sumus, Christum ipsum, & quæ Dei sunt, non quæ nostra sunt, nec nostram, sed Dei gloriam, querere debemus. Oportet igitur (ait S. Carolus Borromeus orat. habitâ in 2. Concil Mediol.) nos depositis cupiditatum nostrarum perturbationibus, oculisque in celum conjectis, nos utilitates nostras, non commoda, non hominum honores spectemus, non rebus nostris, non popularibus studiis, non laudi, non gloria nostra, sed Christo serviamus, cui omnem gloriam, omnem laudem, omnem honorem debemus. Neque enim est, cur & nobis ipsis aut hominibus placeamus: Siquidem quid inde fructus, si nos ipsos amantes, anima nostra jacluram faciamus? ac que utilitas nobis existet, si ixam Dei in nos concitantes, hominum benevolentiam populari quâdam indulgentiâ conciliemus? Audiamus Paulum clamantem: "Si hominibus placem, Christi servus non essem. " Dissipat autem Deus offa eorum qui hominibus placent, inquit Propheta.

Nec vero est (prosequitur ibidem) cur à munera nostriratione deterreamur, vel quia his Pastoribus nostris studiis, actionibusque animos eorum exulcerari videamus, qui filii sunt perditionis; vel quia populares illa, quibus quasi sicut foliis, deformes pravique mores contegi solent, voces audiantur: non ferunt hec tempora veterum Canonum severitatem. Sic jam diu viximus, sic vixerunt, ita egerunt qui erat antececesserunt, vita institutum nihil est quod immutemus. At nos hec atque alia hujusmodi contemnamus, proponamusque nobis ante oculos libertatem illam spiritus, & virtutem, qua armati Patres nostri Apostoli, qua muniti Martyres, qua instructi ordinis sanctissimi homines, Athanasius, Chrysostomus, Ambrosius, hujus Ecclesie Antistites, qua affecti alii religiosi viri, apostolico quodam animorum ardore flagrantes, nullis, non minis, non hominum clamoribus, non furoribus, quasi tribunitiis fracti, nec debilitati, pro Dei gloria, pro gregis commissi salute, forti, constanteque animo adhibuerunt illam quasi censoriam virtutem, acerrimam peccatorum vindicem.

Eorum ferè exemplo adducti nos quoque A. 21 postolica illâ constantia & Evangelica virtute, quâ unâ nihil est in Ecclesiastis Pastoribus illustri, nihil magis necessarium, sine metu, & constanter certe agamus... quod Evangelium docet, quod Christus iubet, quod ratio precipit, quod gregis salus, quod Ecclesie autoritas, dignitatisque postulat. Nam si contraria nobis fiat, in formidoloso illo Detinidio, cum animarum, quæ in fidem & curationem nobis tradite sunt, rationem redditiri, tum aliorum nos accusantium vociferationes, & irati judicis, nos item acerbè objurgantis, eas voces audiemus: "Si speculatores eratis, cur cæci? Si Pastores, cur gregem vobis commissum errare permisistis? Si falteræ, quoniam modo evanisti? Si lux "

B 3

„ eratis , tur sedentibus in tenebris & in umbra mortis non illuxistis? Si Apostoli , cur apostolica virtute non usi , cuncta egistis ad hominem oculos? Si os Domini , cur muti? Si vos huic oneri impares esse sentiebatis , cur tam ambitiosi? Si pares , cur tam desides , tam negligentes? Nihil vos Prophetarum voces , nihil Evangelii leges , nihil Apostolorum exempla , nihil pietas , nihil religio , nihil labentis Ecclesiæ status , nihil formidolosus judicii dies , nihil præmia , nihil supplicia , aeternique cruciatus moverunt? Has terribilis irati judicis voces , nobiscum , Patres , animo menteque reputemus , ut is... excitati... non remisæ , non leviter , non timide , non negligenter , non dissimilanter , sed sincere , & constante , sanctaque sollicitudine Deum solum spectantes , quod in nostro officio , nostroque munere positum est , agamus & perficiamus.

22 Fecit quod docuit Cardinalis sanctissimus , pariterque zelosissimus , collapsam pietatem instaurare , Evangelicam morum disciplinam restituere , virtutes plantare , spiritualis morbos curare , Ecclesiam sibi commissam tam in Clerico quam in populo reformare , totis viribus studuit : & si quas oves impura vitiorum labes tabescentes , in malisque in veteratas , lenitatis & indulgentiæ melle sanare non potuit , salis acrimoniam ipsis adhibuit. Ut vidit humani generis hostis serio rem peragi , dum dumque possessas per tyrannidem suam animas Christo restituiri , tantos murmurantium vociferantiumque clamores adversus ipsum excitavit , ut (teste Ripamontio l. 4. & 5. vitæ ipsius , & Grusiano l. 2.) palam traductus fuerit , etiam apud Suam Sanctitatem , & Catholicam Majestatem , tanquam Ecclesiæ perturbator , populi irritator , homo violentus , pertinax , nimiumque severus ; decreta vero ipsis , seu Conciliorum ab ipso celebratorum suggesta tanquam pœnae dura , & iniqua , & nova , & tanquam immane jugum , &c.

23 „ Ceterum ea criminatione neque offensus Cardinalis , neque deterritus , pergebat alia insuper decernere contentanea , & similia istis , „ qua nuper sibi vitio data essent „ Ripamontius l. 4. Sciebat utique quod Christus Jesus , non obstante infinita sua sanctitate , miraculorum gloria & multitudine , a Scribis & Pharisæis (qui Judaico in populo , æstimabantur tanquam homines docti & pii) diffamatus fuit tanquam homo peccator , Joan. 9. tanquam violator Sabbati , Joan. 5. tanquam destructor templi , Matth. 26. tanquam subvertens gentem suam , & prohibens dare tributa Cælari , Luc. 23. tanquam Samaritanus & Hæreticus , Joan. 8. tanquam furiosus habens spiritum immundum , & in principe dæmoniorum ejiciens dæmonia , Marci 3. tanquam homo malefactor , Joan. 18. tanquam homo vorax & potator vini , publicanorum & peccatorum amicus , Matth. 11. tanquam regni usurpator . Joan. 19. tanquam blasphemus , Marci 26. &c.

24 Sciebat item Apostolos , Apostolorumque suc-

cessores ab hominibus patiter exceptos. Magnum Elymam , coram Proconsule Sergio , palam restitisse Pauli de Fide prædicationi. Act. 13. Joannem Evangelistam verbis malignis impeditum à Dietrephe. Stephanum accusatum tanquam blasphemum in Moysen , & in Deum , qui non cessaret loqui verba contra locum sanctum & legem. Actorum 6. S. Athanasium , tanquam homicidam & adulterum. S. Basilius , tanquam cerebricosum & ambitiosum. S. Martinus , tanquam fautorum hæreticorum. S. Chrysostomus , tanquam superbum , cæterorumque contemptorem. S. Hieronymum , tanquam violentum & hæreticum. S. Augustinus , tanquam Manichæum , docente in materia Prædestinatio- nis & Gratiae , falla , agentiaque homines in desperationem , que nullus ante ipsum in Ecclesia docuerit. S. Cyrillum Alexandrinum pariter à Nestorianis traductum ut Apollinaristam , & oppositus sibi Orthodoxos ab Eutychianis insimulatios ut Nestorianos , &c.

Eorum plenus spiritu S. Carolus tantâ animi fortitudine , tamque immobili constantiâ (non obstantibus contradictionibus & murmurationibus doctorum indoctororumque) perrexit in reformatione Cleri , populique sui , sicut & in reformatione indulgentioris doctrinae , ita ut ipsi non immerito adaptari posset , quod Hieremias dictum est à Domino : Ego dedi te in civitatem muniam , & in columnam ferream , & in murum anem ; adversantibus vero reformationi morum , Et bellabunt adversantes , & non prævalebunt. Hierem. 7.

Ne autem docti illi mollioribus traditionibus & opinionibus suis prævalerent , oratione habita in VI. Concilio Mediolanensi , cunctos admonebat zelos Antistes ; Longè sunt à nobis voces illorum qui consuunt pulvillo sub omni cubitu manus , & faciunt cervicalia sub capite universæ atlantis ad capiendas animas. Ne ipsis suis adulatio- nibus , vocumque blanditiis , cum nos fallere student , ipsis etiam illecebris populum nostrum decipiunt. Dicunt enim bonum malum , & malum bonum. O popule meus , quis poterit omnia mala , que in te premunt undique , enumerando percen- sere? Audent tamen ipsis , à salutis via , te adi- rationibus longius abducere. Popule meus ! qui te in tanta malorum colluvia beatum dicunt , ipsis te decipiunt , & viam gressuum tuorum dissipant , dicentes (ut paulo ante præmisit) pax , pax , & non est pax , quam imperite hoc practicant atten- dite quoque , qui ipsis homines sunt , cum talia di- citant , linunt parietem luto absque paleis , absque temperatura. Vident visionem pacis , & non est pax. Ipsi sunt enim de quibus Isaïas prædictit : Et erunt qui beatificant populum illum seducentes , & qui beatificantur precipitati. Isaie. 9.

Deinde iisdem mollioribus opinamentis in sexto suo Mediolanensi Concilio opposuit has zelosissimas voces : Aliud nos Spiritus Sancti do- cet , aliud Apostolorum instituta monem , aliud Patrum exempla declarant , aliud Canonum leges iubent , &c. Opposuit denique la- luberrima decreta in Conciliis suis Mediolanensis

sibus edita, sanctissimas etiam Instructiones ad Concionatores, Parochos, & Confessarios, pro recta salutarique administratione, tum Verbi Dei, tum Sacramentorum, maximè Sacramenti Pœnitentiae, in cuius recta administratione velut sumimam rerum posuit, eo quod usi experimento quoque comprobaverit, Confessariorum incuria vel negligenta, sèpè accidere, ut dum multis indignis absolutions beneficium impeditur, multina isdem semper peccatis inhererant cum animarum suarum lamentabili ruina, ut ait, Instruct. Confess. c. 12. dum etiam Confessarii nimis facile beneficium illud imperitunt versantibus in occasionibus peccatorum, maximam præbent causam, cur in omnibus fere opificiis, & exercitationibus publicis, peccata gravissima inveniantur, & abusus intollerabiles, sine quibus multi hodie existimant, nec res etiam per se agnoscimus recte exerceri posse. Ibid. c. 16. Edit. Duacenæ 1616. Ideò tum in iisdem Instructionibus, tum in Decretis antedictis, precipitatarum absolutionum mala aperuit, casusque quamplurimos declaravit, in quibus, usque ad secutum sincerae emendationis effectum, absolutio, vel neganda sit vel differenda. Publicam etiam pœnitentiam, pro publicis delictis, ad Concilii Tridentini prescriptum restituit. Pro delictis vero occultis, Confessarius (ait ibidem c. 22.) Canones pœnitentiales ad unguem sciat oportet; nam quavis illi possit & debeant secundum prudentis & timorati Confessarii arbitrium mitigari, prout pœnitentia contrito, personarum qualitas, diversaque conditio, aliaque circumstantie ostendat; utilissimum tamen est semper ipsos Canones pro oculis habere, atque eos tanquam ad amissum respicere, quantum conveniens erit. Et quidem Confessarius, eis pro modo antiquo Canonum pœnitentiam non habet sequi; tamen pœnitenti nonnumquam articulos in iis explicatos tractabit, ut ad majorem dolorem adducatur, pœnitentiamque in comparatione illius leviusculam, quam ipse dedit, alacrius exequatur.

Nullus vero enarrare sufficit, quantum frumentum in omnibus Christiani (etiam nostri) Orbis partibus pepit accurata lectio, praxisque Instructionum illarum. Ut enim verissime Sylvius in Dedicatoria Editioni Duacensi præfixa, exemplar idemque perfectissimam veri Pastoris exhibent, suntque velut speculum, in quo rugas, návios, maculas, defectusque suos videare, & clarè cognoscere queant, qui Ecclesiás regere, qui populos pascere, qui Sacra menta ministrare debent; immò & remedia simul patrata in promptu habete, quibus quod deformè, pravum, distortumque fuerit, emendetur, cu- returque. Ideò in Actis Generalis Conventus Cleri Gallicani, de die 1. Februarii 1657. habetur, quod rogatus est à Conventu D. Ciron, ut hunc librum edi curaret, quo tanti viri doctrina, tanto lumine sapientie splendens, omnes Galliæ Diececes pervaderet, & grassantes ad Evangelicæ morum sapientia perniciem, novarum opinionum labes, opposito velut obice

coerceret. Ideo etiam Instructiones illas nuper, Romanis typis, cum epistolâ Pastorali iis præfixâ (quâ earum praxis commendatur) imprimi fecit Eminentissimus D. Cardinalis Carpe gna, iussu Sanctissimi D. N. Innocentii Papæ XII.

Est igitur animus sanctissimi hujus Cardinallis Instructiones hoc in opere sequi, ut decet filium Supremo Ecclesiæ Patri obediens, ipsiusque exemplo imptoperia & contradictiones plurimorum nihil facere, quo plurium salutis prodeesse possim. Si enim sub initium presentis sæculi, quando laxiora opinamenta in tantum nondum processerant, doctissimus pariterque püssimus Cardinalis Bellarminus in epist. ad nepotem suum, Episcopum Theanensem, verè & sapienter dixit: "Si quis velit in tuto salutem suam collocare, is omnino debet certam veritatem inquirere, & non respicere quod multi hoc tempore dicant aut faciant. Et si rei certitudine non possit ad liquidum apparere, debet omnino tertiorem partem sequi, & nullâ ratione, nullius imperio, nullâ utilitate temporali propositâ, ad minus turam partem declinare. Agitur enim de summa rei, cum de salute æterna tractatur, & facillimum est conscientiam erroneam exemplo aliorum induere, & eo modo, conscientia non remordente, ad eum locum descendere, ubi vermis non moritur, & ignis non extinguitur. Quid non dicendum? Quid non faciendum hoc tempore, ubi (teste Emin. D. Card. de Aguirre ubi sup. n. 22.) tot monstra opinionum adversaria Moralem Christianam, & disciplinam ecclesiasticam ac canonicas eruperunt?

Laudandus est maximè, inter Regulares classissimus Ordo S. Dominici (pergit laudatissimus Aguirius) qui hortari Alexandri VII. vexillum extulit adversus Moralem laxam per dominissimos Alumnos suos Joannem Martinez de Prado, Julium Mercurorum, Vincentium Baroniūm, Vincentium Contensonum, Pichinardum, Gonetum, aliosque similes amplissimo fructu... Idem fere dixerim de multis Religionibus, praesertim militantibus sub regula S. Augustini, Francisci, & Carmelitarum, &c. Cum iis itaque, cumque eodem Cardinale de Aguirre, sapientissimisque una & sanctissimis Hispaniarum Episcopis, Bernardo Hontiveros, Calaguritano; Joanne de Palafax, Oxoniensi; & Ludovico Crepicio, Placentino (apud eundem Aguirium n. 30.) propositum est laxioribus Castigatorum opinionibus c. 2. recensis Sanctorum Theologiam opponere, torque & tantarum laxitatutum radicem ante omnia investigare, quo securim ad radicem valeamus applicare.

CAPUT IV.

Prima causa, radixque primordialis Ethices laxioris, praesidentia rationis humanae, antecedentis Oracula Scripturarum & Sanctorum, in qua laxiorum opinionum Authores Ethicam suam fundaverunt.

Rationem, qua de rebus divinis ac mortibus differere possumus, S. Thomas 2. 2.